

Ligni Aloes, feu Santali Citrini,
 drachmas duas & femis.

Croci, drachmas duas.

Omnia, præter Crocum, leviter contusa injiciantur in
Vini albi optimi, libra una.

In vase clauso, & loco tepido per viginti quatuor horas infundantur, postea cola, & exprime; liquor expressus cum Miva optimè misceatur, & ad usum reponatur.

Validiores habet vires quam præcedens.

Dosis ab uncia semis ad unciam unam & semis.

CAPUT IX.

DE SYRUPIS.

Syrupi sunt medicamenta liquida ex decoctis, infusionibus, succis, sive aliis liquoribus saccharo confecta, ad mellis liquidi consistentiam redacta.

SYRUPUS Scelettrbicus.

R. Succi defœcati Cochleariæ, } ana libram semis.
Becabungæ, }
Sacchari albi, libram unam.

Clarificato Saccharo, & ad debitam consistentiam per-
ducto, succos paulatim affunde, & levi ebullitione ad
justam spissitudinem redige.

Ad scorbuticas affectiones superandas plurimum valet.

Dosis ab uncia una ad unciam unam & semis.

SYRUPUS ACETOSUS SIMPLEX.

R. Sacchari albissimi pulverisati, . . . libras tres.
Aceti Vini acerrimi, . . . libram unam & semis.

Misceantur optimè in vase figulino vitreato, & igne lento saccharum dissolvatur, simulque evaporentur in syrupi consistentiam, & reponatur ad usum.

In affectibus calidis, biliosis, & in febribus malignis confert.

Dosis ab uncia una ad uncias duas.

SYRUPUS EX ACIDO LIMONUM.

R. Sacchari albissimi pulverisati, . . . libras quatuor.
Succi recentis Limonum, seu Citri per subsidentiam depurati, . . . libras duas.

Misce, & fiat Syrupus, ut supra.

Cardiacus est, refrigerat, humectat, vermes necat, humorum putrefactionem arcet, febris quoque calorem temperat.

Dosis ab uncia una & semis ad uncias duas.

SYRUPUS EX SUCCO AGRESTÆ.

R. Sacchari albi in pulverem redacti, libras duas.
Succi recentis Omphacii depurati, libram unam.

Misce optimè, & Syrupum confice secundum artem.

Refrigerat, vomitiones sistit, & in ventris fluxu bilioso convenit, sitim sedat, viscerum calorem temperat, ac stomachum roborat.

Dosis ab uncia una ad uncias duas.

SYRUPUS GRANATORUM ACIDORUM.

R. Sacchari albissimi pulverisati, . . . libras duas.
Succi Granatorum acidorum recenter expressi, & depurati, . . . libram unam.

Ee 2

220 PHARMACOPOEA MATRITENSIS.

Fiat Syrupus secundum artem.

Refrigerans est, putredinem arcet, vomitui, & alvi fluxui prodest.

Ad gutturis excoriationes, & oris, gargarismatibus permixtus, valet.

Dosis ab uncia una ad unciam unam & semis.

Eadem methodo fiunt Syrupi ex Succis

Aurantiorum,
Grossulariæ, seu Ribium Rubrorum,
Oxyacanthæ, seu Berberum,
Acetosæ,
Pomorum,
Cerasorum,
Baccarum Myrti,
& similia.

Nota, quòd Syrupi omnes suprà descripti, etiam sequenti parantur methodo.

R. Sacchari clarificati ad consistentiam tabellarum
cocti, uncias triginta & duas.
Succi ex acido nempe de Limonibus, sive Citreis
depurati, quantitatem sufficientem, hoc est,
. uncias sexdecim.

Misceantur optimè cum Cochleari in vase figulino vitreato, ut Syrupus in debitam consistentiam resultet, ad usum fervendus.

SYRUPUS CYDONIORUM.

R. Sacchari clarificati ad consistentiam tabellarum
cocti, libras quatuor.
Succi Cydoniorum recentis, & depurati, . . .
. libras duas.

Coquantur igne lento ad Syrupi crassioris consistentiam, secundum artem.

Ventriculum roborat, vomitum, & alvi fluxum cohibet, dysentericis, ac coeliacis confert.

Dosis ab uncia una ad uncias duas.

SYRUPUS VIOLARUM SIMPLEX USUALIS.

R. Florum Violarum recentium cum calicibus, libram unam.

Injice in vase terreo vitreato superaffundendo

Aquæ communis tepidæ, libras quatuor.

Macerentur per horas octo vase clauso, postea calefiant igne lento, colentur, & exprimantur, in colatura rursus tantundem florum violarum recentium infunde pari temporis intervallo, iterum cola, & exprime, in expresso dissolve

Sacchari albi, libras sex.

Misce optimè, & cum ovi albumine clarificentur, & coquantur ad Syrupi consistentiam, secundum artem.

Humectat, & refrigerat, in pectoris calidis affectibus valet, in tussi sicca, ac urinæ ardori prodest.

Dosis ab uncia una ad uncias duas.

Nota: quod in defectu Florum Violarum recentium injiciantur Florum Violarum ficcarum uncia quatuor, servanda methodus supra descripta: ad idem valet.

Dosis eadem quoque est.

Simili modo fiunt Syrupi

Florum Tunicæ,
Papaveris Rhæados,
Nymphææ,
& similia.

SYRUPUS VIOLARUM COERULEUS, seu VIOLACEUS.

R. Florum Violarum recentium à calicibus mundatorum, libram unam.
 Ponantur in vase fictili vitreato, quibus superaffunde
 Aquæ fontanæ ferventis, libras duas.
 Macerentur vase clauso, per horas octo, postea igne
 lento calefiant, colentur, & exprimantur, expressioni adde
 Sacchari albissimi pulverisati,
 libras quatuor, & uncias quatuor.
 Ponantur super ignem lentum, ut saccharum absque
 ebullitione omnino dissolvatur, & Syrupus jam refrigera-
 tus fervetur.

Pectus refrigerat, & humectat, humores acres dulcorat, choleramque temperat; cordialis quoque, & pectoralis est.

Dosis à semiuncia ad unciam unam.

SYRUPUS EX SUCCO POMORUM REDOLENTIUM.

R. Sacchari clarificati ad tabellarum consistentiam cocti, libras tres.
 Succi Pomorum Redolentium recentè expressi, & per subsidentiam depurati, libram unam & semis.
 Coque secundum artem, & fiat Syrupus.
 Cordialis, & pectoralis est, humores melancholicos, ac adustos temperat.

Dosis ab uncia una ad uncias duas.

SYRUPUS HEDERÆ TERRESTRIS.

R. Summitatum Hederæ Terrestris mediocriter exsiccatarum, libram unam.
 Aquæ ejusdem distillatæ, libras quatuor.
 Macerentur in vase terreo vitreato per spatium vigin-

ti quatuor horarum, dein leniter ebulliant, colentur, & exprimantur, colaturæ adde

Sacchari clarificati, libras quatuor.

Fiat Syrupus secundum artem.

Commendatur ad thoracis affectus, ad phthisim quoque, & sputa purulenta.

Dosis ab uncia una ad unciam unam & semis.

Simili modo fiunt Syrupi

Tussilaginis,
Capillorum Veneris,

SYRUPUS SCORZONERÆ.

R. Radicum Scorzoneræ recentium, & mundatarum, libram unam.

Incidantur minutim, & cum

Aquæ communis tepidæ, libris quatuor.

Coquantur igne lento in vase fictili vitreato per semihoram, tunc cola, & exprime, expressioni adde

Sacchari albi clarificati, libras tres.

Coquantur secundum artem ad Syrupi consistentiam.

Nimium viscerum, & cordis temperat calorem, partes ipsasque roborat, febribus pestilentibus confert.

Dosis ab uncia una ad uncias duas.

Non absimili modo parari possunt Syrupi simplices

De Althæa,
Cynoglossa,
Symphyto,
& similibus.

SYRUPUS CICHORII SIMPLEX.

R. Succi Cichorii depurati, . . . }
Sacchari albi, } ana libras duas.

224 PHARMACOPOEA MARITENSIS.

Coquantur, & cum ovi albumine clarificentur, & fiat Syrupus secundum artem.

Ad hepatis ardores confert, purior sanguinem reddit.

Dosis ab uncia una ad unciam unam & semis.

Simili modo fiunt Syrupi

Fumariæ,
Urticæ,
Apii,
Portulacæ,
Borraginis,
Cochleariæ,
& similia.

SYRUPUS DE MENTHA SIMPLEX.

R. Summitatum Menthæ crispæ mediocriter exsiccatarum, uncias duas.

Aquæ Menthæ stillatæ, libras duas.

Infundantur, & digerantur, vase clauso, in Balneo Cinerum, vel alio loco calido per duodecim horas, colentur, & cum

Sacchari clarificati, libris duabus.

Fiat Syrupus secundum artem.

Stomachicum est, ventriculum roborat, & calefacit, singultum, & vomitum inhibet, flatusque dissipat, ac lumbricos enecat.

Dosis à drachmis duabus ad semiunciam.

Simili modo parantur in propriis aquis Syrupi

De Hyssopo,
Scordio,
Melissa,
Arthemisia,
Stœchade,
& similibus.

SYRUPUS DE ERYSIMO LOBELII.

R. Erysimi florecentis, . . . manipulos sex.
 Radicum Enulæ Campanæ, . . . }
 Tussilaginis, . . . } ana uncias duas.
 Glycyrrhizæ, . . . }
 Foliorum Borraginis, . . . }
 Cichorii, . . . } ana manipulum unum
 Capillorum Veneris, . . . } & semis.
 Florum quatuor Cordialium, . . . }
 Rorismarini, . . . } ana manipulum semis.
 Betonicæ, . . . }

Incisa omnia, vel si opus fuerit contusa macerentur in

Aquæ Hordei, . . . }
 Hydromelytis, . . . } ana libris tribus.
 Succo Erysimi, unciis sex.

Decoquantur ad dimidias, & facta colatura in decocto expresso dissolve

Sacchari albi, libras tres.

Clarifica, & coque in Syrupum.

Tussi antiquæ, raucedini, aliisque thoracis affectibus opitulatur.

SYRUPUS ABSYNTII SIMPLEX.

R. Absynthii in umbra siccati, . . . uncias sex.
 Infunde in vase fictili vitreato per horas duodecim, cum

Aquæ Absynthii distillatæ, . . libris quatuor.

Dein cola, colaturæ adde

Sacchari clarificati, . . . libras quatuor.

Coque in Syrupum secundum artem.

Ff

Ventriculum roborat, jecur simul, & alia viscera.

Dosis à semiuncia ad unciam unam.

SYRUPUS MECONII.

R. Caput Papaveris albi sine seminibus exsiccatum, uncias sexdecim.
Contundantur modicè, & in vase terreo vitreato injiciantur, superaffundendo

Aquæ communis tepidæ, viginti libras.

Infundantur per horas duodecim, coquantur igne lento ad tertiæ partis remanentiam, cola, & exprime, expressioni adde

Sacchari albi, libras quatuor.

Coquantur in Syrupum secundum artem.

Tussim ficcā, & catharralem temperat, somnum inducit, dolores lenit, hæmorrhagias sistit, humores tenues incrassat, & acres dulcorat.

Dosis à drachma una ad drachmas duas, aut semiunciam.

Nota: quod hic Syrupus, PRO OMNIBUS SYRUPIS CAPITUM PAPAVERIS ALBI in Medicina inservit.

SYRUPUS ROSARUM SICCARUM.

R. Florum Rosarum Rubrarum exsiccatum, uncias octo.
Macerentur per viginti quatuor horas super cineres calidos in

Aquæ communis tepidæ, libris sex.

Postea cola, ac levitè exprime, colaturæ adde

Sacchari optimi clarificati, libras quatuor.

Fiat Syrupus secundum artem.

Astringens est, omnibus alvi fluxibus, & hæmorrhagiis prodest.

Dosis à semiuncia ad unciam unam.

SYRUPUS KINÆ KINÆ.

R. Corticis Peruviani crassiusculè triti, uncias quatuor.
 Mitte in vas idoneum, affunde
 Spiritus Vini rectificati, quantitatem sufficientem.
 Ut fiat massa, maceretur per aliquot horas, dein adde
 Vini albi electi, libras duas.
 Digerantur per biduum in loco calido, vase benè ob-
 turato, postea igne lento una, vel altera ebullitione de-
 coquantur, fiat colatura, & cum
 Sacchari in tabellæ consistentiam cocti, . . .
 libris duabus.
 Fiat Syrupus secundum artem.
 Ad febres omnes intermittentes debellandas valet; &
 vermes interimit.

Dosis à semiuncia ad unciam unam.

SYRUPUS CORTICUM CITRI AMARUS.

R. Flavedinis Corticum Citri, seu Limonum, . . .
 libram unam.
 Aquæ Corticum Citri odoratæ, . . libras duas.
 Infundantur per biduum in vase optimè clauso, pos-
 teà levitè igne lento decoquantur, colentur levi cum ex-
 pressionè, colaturæ adde
 Sacchari clarificati ad consistentiam tabellarum
 cocti, libras tres.
 Fiat Syrupus lege artis, ad usum servandus.
 Cor, & ventriculum roborat, cordis palpitationi
 prodest, vitales spiritus reficit, & coctionem juvat.

Dosis ab uncia una ad uncias duas.

Simili modo paratur Syrupus

Corticum Aurantiorum.

Ff ij

SYRUPUS CORTICUM CITRI ESSENTIALIS.

Rx. Aquæ essentialis spirituosæ Corticum Citri, .
 libram unam.
 Sacchari clarificati ad Electuarii solidi consist-
 entiam cocti, libras tres.
 Fiat Syrupus, ut artis est, ad usum servandus.
 Ad idem præstat, sed efficaciter roborat.
Dosis eadem.

SYRUPUS CINNAMOMI.

Rx. Aquæ Cinnamomi stillatæ, . . . libram unam.
 Cinnamomi acutissimi crassiusculè triti, . . .
 unciam unam.
 Immitte in matrarium, & fiat tinctura secundum ar-
 tem, postea filtra, & cum
 Sacchari in tabellæ consistentiam cocti, . .
 libris duabus.
 Fiat Syrupus secundum artem.
 Ad cordis, & totius corporis vires reficiendas, & res-
 taurandas valet; ventriculum languidum à frigore robo-
 rat, coctionem juvat, appetitumque movet.
Dosis à semiuncia ad unciam unam.

Simili modo parantur Syrupi

Florum Aurantiorum cum

Aqua Naphæ.

Caryophyllorum, & similium

Aromaticorum.

SYRUPUS BALSAMI, SEU BALSAMICUS.

Rx. Balsami albi, uncias tres.
 Aquæ Tussilaginis, . . . libram unam & semis.
 Immittantur simul in matrarium vitreum, optimè ob-

turatum, & in Balneo Arenæ per horas tres decoquantur, cola, colaturæ adde

Sacchari albissimi in pulverem redacti, libras tres.

Fiat Syrupus secundum artem.

Anti-Asthmaticus, & anti-Phthificus est, stomachum roborat, coctionemque juvat.

Dosis à semiuncia ad unciam unam.

SYRUPUS KERMES.

R. Granorum Kermes electorum, . uncias sex.
Modicè tere, & in

Aquæ communis ferventis, . . . libris duabus.

Infunde per duodecim horas in vase figulino vitreato, dein igne lento, & vase optimè clauso per horam decoquantur, colentur, ac residuum iterum cum

Aquæ communis, . . . libris duabus.

Ut supra percoquatur, coletur, & exprimatur, colaturæ adde

Sacchari albissimi, . . . libras duas.

Clarificentur, & coquantur in Syrupum secundum artem.

Astringens, & cardiacus est; spiritus reficit, sudorem movet; caput, & cor valdè roborat, ac morbillos erumpere facit.

Dosis à semiuncia ad unciam unam.

Nota, quòd HIC SYRUPUS AD CONFECTIONEM ALKERMES parandam, inservit.

SYRUPUS ROSARUM, SEU RHODOSACCHARUM.

R. Infusionis, seu Succii Rosarum Rubrarum, libras duas.
Sacchari albi clarificati, . . . libras quatuor.
Coquantur in Syrupum secundum artem.

230 PHARMACOPOEA MARITENSIS.

Stomachum roborat, flatus dissipat, & humores crudos concoquit.

Dosis ab uncia una ad uncias duas.

SYRUPUS PÆONIÆ.

R. Radicis Pæoniæ maris contusæ, . . . libram unam.
Aquæ communis, libras quatuor.
Bulliant igne lento per semihoram, cola, & cum
Sacchari albi, libris tribus,
Clarificentur, & in Syrupum coquantur secundum artem.

Capitalis, & anti-Epilepticus est, in apoplexia, & paralyfi utilis.

Dosis à semiuncia ad unciam unam & semis.

SYRUPUS DE QUINQUE RADICIBUS.

R. Radicum Apii, . . . }
Fœniculi, . . . } ana uncias quatuor.
Petroselini, . . . }
Rufci, . . . }
Asparagi, . . . }

Incidantur minutim, & in

Aquæ communis tepidæ, libris quatuordecim.

Coquantur in vase terreo vitreato, & igne lento ad remanentiam librarum octo, cola, & exprime, expressioni adde

Sacchari albi, libras sex.

Clarificentur, & coquantur in Syrupum secundum artem.

Aperiens, & referans est, ac urinam pellit.

Dosis à semiuncia ad uncias duas.

Nota, quòd HIC SYRUPUS, PRO SYRUPO DE DUABUS

RADICIBUS INSERVIT, & quando à Medicis cum aceto præscribitur, tunc additur aceti parum.

SYRUPUS DE MUCAGINIBUS.

R. Seminis Althææ, . . . }
 Malvarum, . . . } ana semiunciam.
 Cydoniorum, . . . }

Gummi Tragacanthi, . . . drachmam unam.

Infundantur calidè per sex horas in libris quatuor decocti foliorum Malvarum, seminis Papaveris albi, & granorum Alkekengi, postea colentur, ac exprimantur, & cum

Sacchari albi clarificati, . . . libris quatuor.

Fiat Syrupus secundum artem.

Urinæ ardorem temperat, & dolores nephriticos demulcet; humores in pectus delabentes dulcorat, & sputum faciliat.

Dosis à semiuncia ad unciam unam.

SYRUPUS JUJUBARUM.

R. Jujubarum mundatarum, . . numero sexaginta.
 Hordei à fordibus purgati, & loti, unciam unam.
 Seminis Papaveris albi, . . }
 Melonum, , . . } ana drachmas tres.
 Lactucæ, . . . }
 Capillorum Veneris, . . }

Omnia injiciantur in vase terreo vitreato, quibus superaffunde

Aquæ communis tepidæ, . . . libras octo.

Coquantur per semihoram igne lento, addendo in fine

Glycyrrhiæ rasæ, & contusæ, . . unciam unam.

Florum Violarum, . . . drachmas tres.

232 PHARMACOPOEA MATRITENSIS.

Seminis Cydoniorum, . . . }
 Malvarum, . . . } ana drachmas duas.
 Gummi Tragacanthi, . . . }

Levi ebullitione facta, cola, colaturæ adde

Sacchari albi, libras quatuor.

Cum albumine ovi clarifica, coque in Syrupum secundum artem.

Hic Syrupus eandem habet vires, quod præcedens.

Dosis eadem est.

SYRUPUS ALTHÆÆ.

R. Radicum Althææ rasarum à meditullio repurgatarum, uncias duas.

Graminis, . . . }
 Asparagi, . . . }
 Capillorum Veneris, . . . } ana unciam unam.
 Passularum enucleatarum, . . . }
 Cicerum Rubrorum, . . . }

Summitatum Althææ, . . . }
 Malvæ, . . . } ana manipulum unum.
 Parietariæ, . . . }
 Pimpinellæ, . . . }

Seminum quatuor frigidorum majorum, & minorum, ana drachmam unam.

Incisis, & contusis, injice in vase terreo vitreato, superaffundendo

Aquæ communis tepidæ, . . . libras octo.

Coquantur per semihoram, addendo in fine

Glycyrrhizæ rasæ, & contusæ, unciam unam.

Separantur ab igne, postea cola, colaturæ adde

Sacchari albi, libras sex.

Fiat Syrupus secundum artem.

Ad idem valet quod præcedens.

Dosis eadem est.

SYRUPUS GLYCRRHISÆ.

R. Radicis Glycyrrhizæ rasæ, & } ana unciam unam.
 contusæ, . . . }
 Capillorum Veneris, . . . }
 Hyssopi ficci, unciam semis.
 Aquæ fontanæ ferventis, libras tres.

Omnia ponantur in vase terreo vitreato, & per horas viginti quatuor macerentur, calefiant, & colentur, colaturæ adde

Sacchari albi, . . . libram unam & semis.

Mellis optimi, . . . , . . . uncias octo.

Clarifica, & in Syrupum crassum coque, ac in fine adde

Aquæ Rosarum, uncias quatuor.

Cola, & ferva ad ufum.

Thoracem, & pulmonem per anacatharism expurgat, ideoque diuturnæ tussi, & pleuritidi auxiliatur.

Dosis ab uncia una ad uncias duas.

SYRUPUS LACCÆ.

R. Gummi Laccae optimi, . . . drachmas quinque.
Ficuum pinguium, libram semis.
Lentium, drachmas tres.
Aquæ communis tepidæ, . . . libras quatuor.

Aquæ communis tepidæ, . . . libras quatuor.

Coquantur igne lento per horæ quadrantem, tunc adde

Seminis Anisi, drachmas tres.

Levitèr coque, & statim ab igne separa; post co-
laturæ adde

Sacchari albi, libras duas.

Clarificentur, & coquantur in Syrupum secundum artem.

Gg

234 PHARMACOPOEA MATRITENSIS.

In variolis, morbillis, aliisque similibus infirmitatibus prodest.

Dosis à semiuncia ad unciam unam.

SYRUPUS ANODINUS SUCCINATUS.

R. Succini citrini grossè triturati, } ana quantum volueris.
Opium Thebaici in taleolas secti, }

In scutela terrea moderato igne Succinum lique scat, sub finem adde Opium, quod etiam similiter lique fiat, donec in massam abierit nigricantem.

R. Hujus massæ pulveratæ, . . . drachmas tres.
Aquæ fontanæ, libras tres.

Coquantur in vase figulino vitreato, igne lento, per horæ quadrantem, refrigeratum liquorem per manicam cola, & cum

Sacchari clarificati ad spissiore m consistentiam cocti, libris tribus.

Fiat Syrupus secundum artem.

In tussim siccam ab humoribus acribus, & falsis productam confert, dulcorat; somnum suavem inducit; colicos dolores, ac hystericas passiones lenit, caputque roborat.

Dosis à semiuncia ad unciam unam.

SYRUPUS CORALLIORUM.

R. Coralliorum Rubrorum præparatorum,
. uncias quatuor.

Succi Granatorum acidorum recentè expressi,
. libras duas.

Digere igne arenæ per dies quatuor in matrarium vi-

treum, identidem vas commovendo, tincturam decanta,
tunc

R. Caput Papaveris albi abjectis feminibus, . . .
. uncias duas.

Granorum Kermes, drachmas sex.

Aquæ fontanæ, , libras tres.

Coque ad medias, cola, fortiter exprime, cum co-
latura, tinctura Coralliorum, &

Sacchari clarificati ad Electuarii solidi consis-
tentiam cocti, libris sex.

Fiat Syrupus secundum artem.

Cordiales, & astringentes vires habet, in fluxu he-
patico, ac dysenterico commendatur, in ventris fluxi-
bus laudatur, & ad abortum præcabendum utilis.

Dosis à semiuncia ad unciam unam.

SYRUPUS SARSÆPARILLÆ.

R. Sarsæparillæ, libram unam & semis.
Radicis Chinæ minutim incisarum, uncias tres.

Aquæ communis tepidæ, libras sexdecim.

Macerentur in vase terreo vitreato, loco calido per
dies tres, dein ad medias coquantur, colentur, colatu-
ræ adde

Sacchari albi, libras sex.

Clarifica, & coque ad Syrupi consistentiam secundum
artem.

In massa sanguinea depuranda, transpiratione moven-
da laudatur; in morbis venereis, & scabie egregiè con-
ducit.

Dosis ab uncia una ad uncias duas.

Nota, quod hic Syrupus, vulgaritèr *DE LOS REMEDIOS*
vocatur.

Gg ij

SYRUPUS ANTIRHEUMATICUS.

3. **R.** Radicis Chinæ, }
 Sarsaparillæ, } ana uncias duas.
 Ligni Guajaci, }
 Visci Quercini, }
 Santali Rubri, }
 Rafuræ Cornu Cervi, vel } ana unciam unam.
 Eboris, }
 Ligna, & Radices incisæ, & contusæ macerentur va-
 se terreo vitreato per horas vigintiquatuor in
 Aquæ tepidæ, libris duodecim.
 Dein coquantur ad dimidias, colentur, & exprimantur,
 in colatura dissolve
 Sacchari albi, libras sex.
 Clarifica, & in Syrupum coque secundum artem.
 In omnibus affectibus rheumaticis, ut in podagra, ar-
 thritide, in lue venerea, ac similibus ab ea præcipuè pro-
 ductis, haud sine fructu crebrò usurpatur.
Dosis ab uncia una ad uncias tres.

9. SYRUPUS CICHORII COMPOSITUS.

10. **R.** Radicis Cichorii, uncias quatuor.
 Taraxaci, vel dentis }
 Leonis, } ana unciam unam &
 Graminis, } semis.
 11. Foliorum Cichorii sylvestris, }
 Agrimonie, }
 12. Lactucæ, } ana uncias tres.
 Taraxaci, }
 Fumariæ, }
 13. Lupuli, }

Capillorum Veneris, , }
 Ceterach, seu Asplenii, . } ana uncias duas.
 Cuscutæ, sive Epithymi, . }
 Fructuum Alkekengi, . . }

Omnia præparentur, & in

Aquæ tepidæ, libris viginti.

Coque ad medietatem, cola, & in colatura dissolve

Sacchari albi, libras octo.

Clarificentur, & coquantur in Syrupum crassum secundum artem.

Obstructiones hepatis, splenis, & omnium viscerum aperit: ac ideò in cachexia, ictero, & hydrope utitur.

Dosis ab uncia una ad uncias duas.

SYRUPUS ROSARUM PALLIDARUM, SEU SOLUTIVUS

A U R E U S.

R. Florum Rosarum Alexandrinarum recentium, .
 libras sex.

Aquæ communis ferventis, . . libras viginti.

Infunde per horas duodecim in vase terreo vitreato angustî oris, cola, & exprime, ac parem (in expresso)

Florum Rosarum quantitatem adde, infunde similiter, ter id ipsum repete, colaturæ per manicam trajectæ adde

Sacchari albi, libras decem.

Clarificentur, & coquantur in Syrupum secundum artem.

Tuto, atque feliciter humores crassos, & viscidos expurgat.

Dosis ab uncia una ad uncias quatuor.

Nota, quod hic Syrupus, pro Syrupo ROSARUM EX NOVE M INFUSIONIBUS inservit.

SYRUPUS INFUSIONUM ROSARUM RUBRARUM.

R. Infusionis Rosarum Rubrarum eodem modo paratae, ut supra, libras sex.
 Sacchari albi, libras tres.

Clarifica, & coque secundum artem ut fiat Syrupus ad debitam consistentiam, qui coletur, & ad usum reponatur.

Ad viscera, caput, nempe cor, hepar, ventriculū ac intestina roboranda commendatur: bilem temperat, & alvum, suaviter educit, proindeque vi sua astringenti ipsas partes roborat.

Dosis ab uncia una ad uncias duas.

Simili modo fiunt Syrupi

Florum Persicorum,
 Violarum,
 & similibus.

SYRUPUS DE RHAMNO CATHARTICO,
 SEU SPINA CERVINA.

R. Succus à Baccis maturis Rhamni Cathartici recentè expressi, & per subsidentiam defœcati, libras tres.
 Sacchari albi, libras duas.

Coque in Syrupum secundum artem.

Vomitivum est, & ideo in omnibus infirmitatibus, in quibus vomitum desideratur, utilis est.

Dosis à drachmis duabus ad unciam unam.

SYRUPUS CICHORII CUM RHABBARO.

R. Rhabbarbari electi minutim secti, uncias quatuor.
 Salis nostri Cathartici, unciam unam.

Immittantur in vas terreum vitreatum, quibus superaffunde

Aquæ ferventis, libras quatuor.

Digerantur loco calido, vase obturato, per horas viginti quatuor, & ebullitione facta, cola, ac exprime, colaturæ adde.

Syrupi Cichorii compositi, . libras quatuor.

Fiat Syrupus secundum artem.

Ad alvum lenitè laxandam, in cachexia, affectione hypochondriaca, & aliis infirmitatibus ab obstructione pendentibus, laudatur.

Dosis à semiuncia ad uncias duas.

SYRUPUS CARTHAMI, SEU COMITIS.

R. Seminis Carthami, . . . }
 Radicis Polypodii mundati, . . . } ana uncias quatuor.
 & contusi, . . . }

Infundantur, & macerentur per horas viginti quatuor in

Aquæ ferventis, libris duodecim.

Dein coquantur igne lento ad dimidias, colentur, in colatura ferventi infunde

Foliorum Sennæ mundatæ, . uncias quatuor.

Seminis Anisi, semiunciam.

Salis nostri Cathartici, drachmas sex.

Digerantur per horas duodecim, & post levem decoctionem, cola, colaturæ adde

Sacchari albi, libras tres.

Clarifica, & coque in Syrupum crassum secundum artem.

Humores omnes expurgat, & communiter usurpatur in omnibus infirmitatibus, ubi opus est expurgatione.

Dosis ab uncia una ad unciam unam & semis.

SYRUPUS SARSÆPARILLÆ SOLUTIVUS.

R. Sarsaparillæ, libram unam & semis.
 Ligni Guajaci, }
 Corticis ejusdem, } ana uncias octo.
 Polipodii Quercini, libram unam.
 Hordei mundati, uncias sex.
 Radicis Chinæ minutim sectæ, uncias duas.

Quæ omnia contundantur, & in
 Aquæ communis ferventis, libris triginta.
 Infundantur per biduum in commodo vase benè clau-
 so, postea coquantur per horam integram igne lento, de-
 mum coletur, & iterum

R. Hermodactylorum, uncias octo.
 Mechoacannæ, }
 Jalappæ, } ana unciam unam & semis.
 Aristolochiæ rotundæ, }
 Assari, } ana unciam unam & semis.
 Ivæ Arthriticæ, manipulos tres.
 Seminis Fumariæ, unciam unam.
 Passularum sine acinis, uncias octo.
 Epithymi, uncias duas.
 Sennæ mundatæ, uncias sexdecim.
 Florum Cordialium, pugillos duos.
 Salis nostri Cathartici, uncias tres.

Fiat omnium infusio in

Aquæ tepidæ, libris quindecim.
 Per horas duodecim in vase clauso, dein coquantur
 per quadrantem horæ, postea coletur cum levi expressio-
 ne, qua, & cum prædicto decocto, &

Sacchari albi, libris duodecim.

Mellis optimi, libris octo.

Fiat Syrupus secundum artem.

In lue venerea adhibetur ab uncia una ad duas.

8